

葉氏  
增批

溫病條辨

附歌括

中華民國十八年八月出版  
中華民國十八年八月發行

增批溫病條辨（全五冊）

（定價）

中紙 一元二角  
洋紙 一元二角

版權所有  
翻印必究

增批者、揚州葉霖

增訂者 紹興何廉臣

參閱者 紹興馬小琴

發行者 鑫記書社

代售處 各埠各大書局

新評採輯溫熱諸方

方內散人編

何廉臣訂

馬小琴參

防風通聖散

治憎寒壯熱頭疼身痛面赤目赤且鳴鼻塞。口苦舌乾。大便閉結小便赤澀。一切氣血怫鬱。風熱壅盛。表裏三焦皆實症。此發表攻裏並用法。吳

師原序中。雖有關兩解散之言。然用之得當。實有神效。亟錄之。

防風通聖散

河間

大黃硝荊芥麻黃梔子翹甘桔芎歸膏滑石薄荷

芎朮力爲饒

大黃酒蒸、芒硝、防風、荊芥、麻黃、梔子、白芍、連翹、川芎、當歸薄荷、白朮、各五分、桔梗黃芩石膏、各一錢、滑石、三錢、甘草、二錢。加姜

煎葱

吳鶴臯曰防風麻黃解表藥也。風熱之在皮膚者得之由汗而泄。荊芥薄荷清上藥也。風熱之在巔頂者得之由鼻而泄。大黃芒硝通利藥也。風熱

之在腸胃者。得之。由後而泄。滑石、梔子、水道藥也。風熱之在決瀆者。得之。由溺而泄。風淫於鬲。肺胃受邪。石膏、桔梗、清肺胃也。而連翹、黃芩。又所以祛諸經之遊火。風之爲患。肝木主之。川芎、當歸、和肝血也。而甘草、白朮。所以和胃氣而健脾。劉守真氏長於治火。此方之旨。詳且悉哉。亦治失下發斑。三焦火實。全方除硝黃。名曰雙解散。解表有防風、麻黃、薄荷、荆芥、川芎。解裏有石膏、滑石、黃芩、梔子、連翹。復有當歸、芍藥。以和血。桔梗、白朮、甘草。以調氣。營衛皆和。表裏俱暢。故曰雙解。本方名曰通聖。極言其功用之妙耳。河間製此解利。四時冬寒春溫夏熱秋燥。正令傷寒。凡邪在三陽表裏不解者。以兩許爲劑。加荊姜淡豉煎服之。候汗下兼行。表裏卽解。形氣强者。兩半爲劑。形氣弱者。五錢爲劑。若初服因汗少不解。則爲表實。倍加麻黃以汗之。因便鞭不解。則爲裏實。倍加硝黃以下之。連進一服。必令汗出下利而解也。今人不知其妙。以河間過用寒涼。仲景傷寒初無下法。棄而

不用。真可惜也。不知其法神捷。莫不應手取效。從無寒中痞結之變。卽有

一二不解者。非法之未善。則必已傳陽明故也。

涼膈散

瀉三焦六經諸火。

○治心火上盛。膈熱有餘。目赤頭眩。口瘡唇裂。吐衄涎嗽稠粘。二便淋瀝。胃熱發斑。小兒驚急潮熱。瘡疹黑陷。大人諸風癱瘓手足掣攣。

筋攣  
疼痛。

涼膈硝黃梔子翹黃芩甘草薄荷饒再加竹葉調蜂蜜。葉生竹上。故治上焦。膈

上如焚一服消。

連翹一錢五分。大黃酒浸。芒硝甘草各一錢。梔子黃芩薄荷各五分。水一杯半。加竹葉七片。生蜜一匙。煎七分服。

汪訥菴曰。連翹薄荷竹葉以升散於上。梔子硝黃以蕩滌於下。使上升下行而膈自清矣。加甘草生蜜者。病在膈。甘以緩之也。張潔古減硝黃加桔梗。使諸藥緩緩而下。留連膈上。頗妙。

龍膽瀉肝湯

治脇痛。口苦。耳聾耳腫。筋痿。陰溼熱癢。陰腫。血濁溲血。

龍膽瀉肝通澤柴車前生地草歸偕梔芩一派清涼品。濕熱肝邪

力可排。

胆草三分。梔子黃芩澤瀉柴胡各一錢。車前子木通各五分。當歸三分。甘草生地各三分。

龍膽柴胡瀉肝膽之火。佐以黃芩、梔子、木通、車前、澤瀉、俾濕火從小便而出也。然瀉之過甚，恐傷肝血。故又以生地當歸補之。肝苦急，急食甘以緩之。故以甘草緩其急。且欲以大甘之味濟其大苦，不令過於泄下也。

**當歸蘆薈丸**

治肝經實火。頭暈目眩。耳聾耳鳴。驚悸搖擗。燥擾狂越。大便秘結。小便澀滯。或胸脇作痛。陰囊腫脹。凡屬肝經實火。皆宜服之。

**當歸蘆薈、梔子、木通、二香及四黃、龍膽共成十一味。諸凡肝火**

**盡能攘。**

當歸、膽草酒洗、梔子、黃連、黃柏、黃芩、各一兩。大黃青黛水飛、蘆薈、各五錢、木香二錢五分、麝香五分。炒神麴糊丸。姜湯下。每服二十九。

陳修園曰：五臟各有火，而肝火最橫。肝火一動，每挾諸經之火相持爲害。故以青黛、蘆薈、龍膽入本經而直折之。又以黃芩瀉肺火，黃連瀉心火，黃柏瀉腎火，梔子瀉三焦火，分諸經而瀉之。而最橫之肝火失其黨援，而乃平。然火旺則血虛，故以當歸之補血者爲君。火旺則胃實，故以大黃之通滯者爲臣。氣有餘便是火，故以麝香之主持正氣、神麴之化導陳氣、木香之通行滯氣者爲佐。氣降火亦降，自然之勢也。況又得芩、連、梔、柏分瀉各

經青黛、蘆薈、龍膽、直折本經。內外應兵。以爲之使乎。立法最奇。向來爲庸解所掩。茲特闡之。

柴葛解肌湯

治三陽合病、輕症、若三陽重症、須用人參、白朮、此方不中與也、

四時合病、在三陽。柴葛解肌。柴葛、羌活、白芷、桔梗、石膏、芍藥、利除石膏、嘔半姜。

此方陶華所製。以代葛根湯。凡四時太陽陽明少陽合病輕證。均宜以此湯增減治之。增減者。謂如無太陽證者。減羌活。無少陽證者。減柴胡也。卽柴胡、葛根、羌活、白芷、桔梗、赤芍、石膏、黃芩、甘草也。下利減石膏。以避裏虛也。嘔加半夏。生姜以降裏逆也。

黃連解毒湯

梔子金花湯

三黃石膏湯

陽毒熱極疹斑嘔煩渴呻吟譫語狂下後便軟熱不已梔蘖連芩解毒湯裏實便鞭當攻下梔子金花加大黃表實膏麻葱豆豉下利除膏入葛良

陽毒熱極等證或下後便軟壯熱不已宜黃連解毒湯即黃連黃芩黃蘖梔子也若裏實當攻下便鞭者宜加大黃名梔子金花湯若表實無汗當發汗者宜加石膏麻黃淡豆豉葱白名三黃石膏湯下利者減石膏加葛根避裏不實也

### 當歸六黃湯

火炎汗出六黃湯

醒而汗出曰自汗寐而汗出曰盜汗

一地連芩蘖與當

生地黃、熟地黃、黃柏、連芩、當歸各

等分黃耆加倍

倍用黃耆偏走表苦堅妙用歛浮陽

陳修園曰陰虛火擾之汗得當歸生地熟地之滋陰又得黃芩黃連之瀉火治汗之本也然此方之妙則在於苦寒寒則勝熱而苦復能堅之又恐

過於苦寒傷其中氣。中者陰之守也。陰愈虛則火愈動。火愈動則汗愈出。尤妙在大苦大寒隊中倍加黃耆。俾黃芪領苦寒之性盡達於表以堅汗孔。不使留中而爲害。此旨甚微。注家向多誤解。特表而出之。

天王補心丹

專治心血不足。神志不寧。津液枯竭。健忘怔忡。大便秘。口舌生瘡等症。

天王遣下補心丹爲憫

山僧講課難歸地

一冬酸柏遠三麥苓桔味爲丸

道藏偶云昔志公和尚日夜講經。鄧天王憫

其勞。錫以此方。酸棗仁、當歸、各一兩。生地黃、四兩。柏子仁、麥門冬、天門冬、各一兩。遠志、五錢。五味子、一兩。白茯苓、人參、丹參、元參、桔梗各五錢。煉密爲丸。每兩分作十九。金箔爲衣。每服一丸。燈芯棗湯化下。食遠臨服。或作小丸亦可。各書畧異。

陳修園曰。小篆心字篆文只是一倒火耳。火不欲炎上。故以生地黃補水。使水上交於心。以元參丹參二冬瀉火。使火下交於腎。又佐麥茯以和心氣。當歸以生心血。二仁以安心神。遠志以宣其滯。五味以收其散。更假桔梗之浮爲向导。心得所養。而何有健忘怔忡。津液乾枯。舌瘡秘結之苦哉。

甘露飲

治胃中濕熱。色黃。溺赤。口瘡吐血。衄血。

甘露二冬二地均

天冬、麥冬、生地、熟地。

枇杷、枳、芩

黃芩、枳殼、枇杷葉。

斛茵陳

石斛、茵陳。

合和

甘草平虛熱

等分煎。溫服。

口爛齕糜吐衄珍

陳修園曰。足陽明胃為燥土。喜潤而惡燥。喜降而惡升。故以二地二冬石斛甘草之潤以補之。枇杷枳殼之降以順之。若用連藥之苦。則增其燥。若用黃朮之補。則慮其升。即有濕熱用一味黃芩以折之一味茵陳以滲之足矣。蓋以陽明之治。最重在養津液三字。此方二地二冬等藥。即猪苓湯用阿膠以育陰意也。茵陳黃芩之折熱而去濕。即猪苓湯中之用滑澤以除垢意也。

六味地黃丸

改湯亦可

六味滋陰益腎肝。茱萸丹澤地苓丸。下焦虛熱斯宜用。倘遇虛寒

切莫餐。

擬加減法

心脈洪大有力。加天冬、酸棗仁、柏子霜、丹參、少佐薑、遠之類。肺脈洪數合生脈散。兩寸洪大加龜牡潛陽。小便赤者可加車前。足痿弱無力合二妙散。紫苑、脾胃脈數大加石斛、麥冬、白芍之類。兩尺洪數加知柏龜板。凡服此湯或覺中焦滿悶時見食少泄瀉乃爲禁劑。素有寒飲者不可服。脾胃素弱者不可服。切須識此勿令誤也。

自景岳推重熟地時醫遂以此方爲調理之金丹。其在肝腎陰虧而脾陽不弱者服之不爲無益。倘遇虛寒之人內有痰飲服之無不脹滿泄瀉食少痰多而時下諸醫反責人守服不篤且重用獨用以致陰氣瀰漫上加於天是何不自咎也。余見此風時下盛行目不忍觀茲復採用此方何也以條辨中脾胃虛寒虛熱諸方無不大備。至下焦等方如三甲復脈定風珠之類特爲救陰脫而設不過一時權宜之計非可頻服之方。余嘗用此

甘丹消毒露詩  
 甘露通草滑  
 石藿香茵陳  
 連翹薄荷貝母  
 白蔻仁射干石  
 菖蒲射干石  
 將神麵糊爲末  
 氣分溫邪服  
 最靈  
 神犀丹詩  
 神犀丹內烏犀  
 角。尖生地石  
 菖蒲。黃芩板藍  
 根銀。花連翹  
 香鼓。清即金  
 汁元。參紫草花  
 粉。急驅邪熱  
 莫留營

數湯其效非不立著。然每至三四劑後。病者往往面目浮腫。以藥味陰凝  
 重濁。遏抑脾胃生發之陽故也。此方補肝腎之陰。兼可清其餘熱。方中薯  
 蕸。又能畧顧脾胃。借爲溫病後調理之方。似覺甚善。非謂人人可服此方。  
 而溫病後斷不可不採此方也。

# 救疫二靈丹

從醫效秘傳摘出

雍正癸丑。疫氣流行。撫吳使者。屬天士先生製此方。全活甚衆。時  
 人比之普濟消毒飲云。

先生云。時毒厲氣。必應司天。癸丑。太陰濕土氣化。運行後天太陽  
 寒水。濕寒合德。挾中運之火。流行氣交。陽光不治。疫氣乃行。故凡  
 人之脾胃虛者。乃應其厲氣。邪從口鼻皮毛而入。病從濕化者。發  
 熱目黃。胸滿丹疹泄瀉。當察其舌色。或淡白。或舌心乾焦者。濕邪  
 猶在氣分。用甘露消毒丹治之。若壯熱旬日不解。神昏譫語斑疹。

當察其舌絳乾光圓硬津涸液枯寒從火化邪已入營矣用神犀丹

### 甘露消毒丹

飛滑石 十五兩

淡芩 十兩

茵陳 十一兩

藿香 四兩

連翹 四兩

石菖蒲 六兩

白蔻 四兩

薄荷 四兩

木通 五兩

射干 四兩

川貝母 五兩

神麴糊 爲末

### 神犀丹

按此二丹開竅通絡。解穢清邪。用之得當。必奏神效。有力之家。遇發時症。預爲製送。功德實無量焉。

犀尖 六兩

生地 一斤熬膏

香豉 八兩熬膏

連翹 十兩

黃芩 六兩

板藍根 九兩

銀花 一斤

金汁 十兩

元參 七兩

花粉 四兩

石菖蒲 九兩

紫草 四兩

卽用生地、香豉、金汁、搗丸。每丸重三錢。開水送下。

銀花甘草湯

治時疫。大熱不退。或神識昏蒙。或嘔瀉無汗。服後汗自出。病自解。藥味和平。功效神速。亦奇方也。

銀花 一兩

粉草 五錢

黑豆 五錢

黃土 五錢

此方豐邑胡君靖塵得之前人驗方。屢用皆效。余細繹方義。頗有至理。如遇大熱之症。神識昏蒙無汗者。一時未能親診。可以應人之求。特附於此。以憑採用。

六般暑症

本文遺暑溼一條。只言五暑。茲特改正。○按六般暑症。暑月治病。不出此等範圍。外此如五苓散。及桂枝白虎湯。尙宜留意焉。

六暑最難辨認。第一口渴。惑人。本是陰經症見。如何大渴思冰。喜冷喜熱。兩無憑。二句。全從關歷得來。還要醫家覷定。一起渴瀉。並見卻是真熱。來侵先瀉。後渴是亡津。腸胃乾枯。求水自救。此等辨法最應。渴瀉並見是真熱。牛瀉後渴是亡津。二語是辨

症捷訣。

陰暑

陰暑通身厥冷嘔瀉後渴轉筋舌滑冷汗脈微沉腹痛誠難保命

或用茱萸湯救

吳萸、人參、生姜

或用理中湯平

加吳萸附子、肉桂

莫因口渴治遽巡

放膽用之安靜

吳茱萸湯治少陰吐利手足厥冷煩燥欲死者○理中湯治腹痛吐利寒多不大欲飲水者二症俱見傷寒此言口渴特亡津故耳

陽暑

陽暑身熱脈數大渴大汗難安上嘔下泄腹中疼舌燥唇紅可辨

方用人參白虎或用解毒黃連

黃連解毒湯

大人小兒兩安然服後病痊

便見

人參白虎治大熱大渴大汗脈洪大而散鼻孔煽動欲喘或兼遺尿者○黃連解毒湯治陽毒熱極或下後便軟壯熱不已

寒暑

原條欠詳特爲訂正

寒暑感寒受暑惡寒發熱頭疼腹脹吐瀉舌溶溶藿香正氣可用

嘔瀉心煩無汗暑月發熱身疼初起即渴溺不通香茹服之確中

藿香正氣散香茹飲

正氣香茹二湯。遇寒暑症。一服固立安。遇陰暑症。誤服亦立斃。故諸各家。見庸工於暑月專重此二方。每每誤人。遂有以理中湯。頌為霍亂之主方者。多不免矯枉過正之弊。後學苟臨症不的。其害恐亦非淺。故此於陰陽二暑症。剖別分明。而於寒暑一症。尤必分辨詳晰。庶幾醫家一目了然。取效自如。桴鼓云。方內散人識。

暑風 本條無秦芩。參用陳修園法。末四句。參用條辨法。前症尚帶寒邪。後症則純是暑熱傷營。內風自動。必合此條始備。

暑風兩手搖擗。或兼口眼歪斜。或有嘔瀉。或無耶。羌秦香茹飲下。若是暑癰。瘰癧。熱傷營絡。堪嗟。肝風內動。清營加羚羊丹勾可藉。

香茹飲加羌活、秦芩、○清營湯。加羚羊、丹皮、勾藤。

暑濕

暑濕大渴大汗。症原白虎相同。身重足冷。此二症與白虎有別。試研窮。白虎加

蒼可頌。則白虎湯。加蒼朮三錢。此症或兼胸痞頭疼。

暑厥 此條改參夏卓溪說

暑厥脈虛自汗。卒然僵臥昏迷。口唇淡白。澹語遲。譫語一層或有或無男婦小

兒無異。此由氣虛受暑。法當清暑補脾。清暑益氣湯為奇。人參益

元亦取。

人參益元散即六一散用人參煎湯調下。

以上六暑症亦條辨中所有。但直截了當。可為條辨註脚。太文言症。間有未詳。特採前賢數條稍為增訂。原本乃吾友胡君靖塵得之無名氏。靖塵臨症多年。歷驗不爽。因不私為己有。囑刊條辨之後。併附於此。

方內散人識

節錄溫熱贅言十條

此書治法。主濕溫居多。倘能熟讀條辨。實已包括無遺。但贅言中。間有可補條辨所未暢者。特摘出十條。以備醫家參覽焉。○

按咳嗽一條。亦條辨中已言本可不採。因註中兩案。極為明暢。故錄之。

風溫症。身大熱。口大渴。目赤。唇腫。氣粗。煩燥。舌絳。齒板。痰欬。甚至神昏譫語。下痢黃水者。風溫熱毒深入陽明營分。最為危候。用犀角、連翹、葛根、元參、赤芍、丹皮、麥冬、紫草、川貝、中黃之屬。解毒提痧。間有生者。

此風溫熱毒內壅肺胃。侵入營分。上下內外。充斥肆逆。若其毒不甚重。或氣體壯實者。猶可挽回。否則必壞。

風溫毒邪。始得之。便身熱。口渴。目赤。咽痛。臥起不安。手足厥冷。泄